

古胸考略第十二卷

海州喬紹傳纂

災祥考

夏后氏帝杼八年征於東海及三壽得一狐九尾

竹書

紀年

漢武帝太始三年二月行幸東海獲赤鴈

昭帝始元三年冬十月鳳凰集東海遣使者祠其處

宋後廢帝元徽三年二月甲子白鹿見鬱州青冀二

州刺史劉善明以獻

宋書符瑞志

古胸考略

卷之十二

一

魏世宗景明二年六月徐州上言東海木連理

魏書靈徵

志

宋徽宗大觀三年秋海州芝草生

宋史五行志

右祥瑞

後漢桓帝元嘉二年胸山崩

本紀

晉惠帝永寧元年七月東海大水十月東海霖雨淹

害秋麥

惠帝元康五年六月東海雨雹深五寸六年三月東

海隕霜殺桑麥

元帝太興元年七月東海郡蝗蟲害禾豆

以上晉書
五行志

梁武帝大同三年六月朐山隕霜

南史

唐太宗貞觀十年關東及淮海旁州二十八大水

穆宗長慶元年二月海州海水冰南北二百里東望

無際

敬宗寶歷元年秋兗海華三州水害稼

文宗太和二年夏河南兗海等州大水

古胸考略

卷之十二

一一

開成二年三月壬申有大魚長六丈自海入淮至濠
州招義民殺之六月兗海蝗五年夏淄青兗海等州

螟蝗害稼

以上唐書五行志

宋太祖建隆三年夏四月乙亥海州火燔數百家死
者十八人

四年七月海州冰雹

真宗景德二年東海縣民時祐牛生二犢

哲宗元祐元年海州水

高宗紹興十年春有野豕入海州市民刺殺之時州已陷夏鎮江軍帥王勝攻取之明年以其郡屬金悉空具民後二十年有二虎入城人射殺之虎亦搏人明年魏勝舉州來歸亦空其民漢龔遂曰野獸入宮至宮室將空虎豕皆毛孽也

寧宗嘉定元年海州饑十六年海州新附山東民饑以上宋史五行志

元世祖至元十五年閏十一月海州贛榆縣雨雹傷

古胸考略

卷之十二

三

稼十七年五月漣海邳宿等州蝗

成宗元貞二年十二月淮安海寧胸山鹽城等縣水

大德八年八月陽曲懷仁等縣雨雹九年四月懷仁

縣地震二所涌水盡黑其一廣十八步深十五丈其

一廣六十六步深一丈

仁宗皇慶二年八月懷仁縣雨雹

文宗天歷元年海寧州水

順宗至元五年七月沂沭二河暴漲決堤防害田稼

至正二年十月海州颶風作海水漲溺死人民十四年十二月淮安路海州地震二十六年三月海州地震如雷贛榆縣吳山崩

以上元史五行志

右災異

軼事考

精衛

昔炎帝女溺東海中化為精衛其名自呼每啣西山木石填東海今其誓水處誓不下飲一名烏市一名

古胸考略

卷之十二

四

寃禽又名志鳥俗呼帝女雀

見山海經暨述異記

龍芻草

東海壘龍川穆天子養八駿處也壘中有草名龍芻

馬食之一日千里

述異記

東海孝婦

孝婦名周青青將死車載十丈竹竿以懸五播誓於衆曰青若有罪血當順下若枉死血當逆行刑已其血青黃緣旛而上極標又緣旛而下

拾遺記

按今本拾遺記無此條吳恒宣雲臺山志所引不知何據

留邱訢

周世東海之上有勇士留邱訢過神泉令飲馬其僕曰飲馬於此者馬必斃邱訢曰以邱訢之言飲之其馬果斃邱訢乃去衣拔劍而入三日三夜殺二蛟一龍而出神隨而擊之十日十夜眇其左目

獨異記

受珠臺

古胸考略

卷之十二

五

秦始皇至東海海神捧珠獻於帝前今海畔有秦皇受珠臺

述異記

黃公

東海黃公善為幻術制蛇御虎常佩赤金刀及衰老飲酒過度秦末白虎見於東海詔遣黃公以赤金刀往厭之術既不行遂為虎害

搜神記

牛魚

東海有牛魚其形如牛海人採捕剝其皮懸之潮水

至則尾起落則尾伏

述異記

海人魚

海人魚東海大之大者長五六尺狀如人眉目口鼻手爪頭皆具皮肉白如玉無鱗有細毛五色輕軟長一二寸髮如馬尾長五六尺

洽聞記

東海大魚

昔有人遊東海者既而風惡船破補治不能制隨風浪莫知所之一日一夜得一孤洲其侶懼然下石植

古胸考略

卷之十二

六

纜登洲煮食食未竟而洲没在船者斫斷其纜船復漂蕩向者孤洲乃大魚也吸波吐浪去疾如風

西京雜記

倒生木

倒生木此木依山生根在上有人觸則葉翕人去則

葉舒出東海

西陽雜俎

虬尾魚

東海有魚虬尾似鴟鼓浪即降雨遂設像於屋脊

談寶

錄

犀導

晉東海蔣潛嘗至不其縣見林間一屍烏來食之輒有一小兒驅遂潛近看屍頭上著通天犀導價可數萬錢乃取之衆烏爭集無復驅者潛後以此導上晉武陵王王薨以襯衆僧王武剛以九萬錢買之後落褚太宰處褚以餉齊故丞相豫章王王內人汪夫人斷以為釵後屢見小兒為崇曰何故見屠割月餘江夫人卒

續齊諧記

古胸考略

卷之十二

七

十二辰車

唐武后如意中海州進一匠造十二辰車迴轅正南則午門開馬頭人出四方迴轉不爽毫釐又作木火通鉄盞盛火輾轉不翻

朝野僉載

蛟龍畏鉄

海州南有溝水上通淮楚公私漕運之路也寶應中堰破水涸魚商絕行州差東海令李知遠主役修復堰將成輒壞如此數四用費頗多或說梁築浮山堰

以鉄數萬斤墳積其下乃成知遠依其言果塞初堰之將壞也輒聞其下殷如雷聲至是其聲移於上流數里盖金鉄味辛辛能害目蛟龍護其目避去故堰可成

封氏聞見記

大魚腮

海州土俗工畫節度令造海圖屏風二十合予時客海上偶於州門見人持一束黑物形如竹篾予問之亡海魚腮中毛擬用作屏風貼因數十年前有大魚

古胸考略

卷之十二

八

斃岸上收得此前後所用無數今官造屏風搜求得此奇文異色澤似水牛角小頭似猪鬃大頭正方長四五尺廣可一寸亦奇物也交廣記云吳時滕循為廣州人或言蝦鬚有一丈長循不之信其人後故至東海取蝦鬚長四丈封以寄循魚腮鬚毛長五尺無足怪者

封氏聞見記

大魚骨

李德裕在文宗武宗朝方秉相權威勢與恩澤無比

每好採掇殊異速方人多以土產異物獻之東都平
泉莊去洛城三十里有巨魚脇骨一條長二丈五尺
其上刻云會昌二年海州送到

康駢劇談錄

李慎言異夢

候鯖錄作李真言字希古

海州土人李慎言

州志作李直

嘗夢至一處水晶宮闕高

插重霄池中菡萏盛開芳香沁骨有宮女十餘人曳
雲綃霧縠之衣拋毬為戲口歌新聲十餘闕詞俱清
婉醒時祇記二闕云侍宴黃昏曉

州志作晚

未休玉階夜

古胸考略

卷之十二

九

色月如流朝來自覺承恩醉笑倩旁人認繡毬堪恨
隋家幾帝王舞榭蹂盡繡鴛鴦如今重到拋毬處不
是金鑪舊日香後為友人山陽蔡繩述之蔡為傳以
記其略

夢溪筆談

案此條古今詩話中僅載二首宋趙令時候鯖錄
又載一闕云隋家宮殿鎖清秋曾見嬋娟颺繡毬
金鑰玉簫俱寂寂一天明月照高樓

海州獵人

海州人有以射獵營生者曾於東海山中射鹿忽見一蛇黑色大如連山長近十丈兩目成日自海而上人見蛇驚懼知不免死因仗念佛蛇至人所以口銜人及其弓矢渡海而去遙至一山置人於高巖之山俄而復有一蛇自南來至山所狀類先蛇而大倍之兩蛇聞於山下初以身相蜿蟺久之口相噬獵人知其求己助乃傳藥矢注之大蛇先患一目人乃復射其目數矢累中久之大蛇遂斃黑蛇入巖穴深處銜

古胸考略

卷之十二

十

得珠璣瑟瑟等寶物無算置獵人前俟其納諸懷復銜人及弓矢渡海置原處而去

太平廣記

三元宮鎮寶

雲臺三元宮有碧玉圭一白玉帶一佛衣一襲一繡佛千計一繡佛萬計皆明萬歷間宮中頒賜

常妻遊雲臺山

記

詩丐

乾隆辛丑冬沐陽有丐凍斃雪中搜其身畔有一詩

云生性從來似野牛手提竹杖過江州飯籬帶雨吟
殘月檀板臨風唱晚秋兩足踏翻塵市界一身歷過
古今邱招魂只在千門戶桀犬何須吠不休見者釀
錢市棺座之

補遺

鳳凰城南門內正中有石一塊拳曲外向昔人埋此
自有深意康熙四十五年有巡按至土人恐磚車杖
握之自此南門外海漸淤

劉荆山筆記